



№27
(2819)

БЕЙНЕУ АУДАНДЫҚ ҚОҒАМДЫҚ-САЯСИ ГАЗЕТИ

Рауан

Газет әр аптаның сейсенбі күні шығады

10 шілде 2025 жыл

Газет 1985 жылдың 1 шілдесінен шыға бастады

rauan_r@inbox.ru

mangstaumedia.kz

МЕРЕЙТОЙ

Аудандық қоғамдық-саяси басылым – «Рауан» газетінің 40 жылдық мерейтойы аталып өтті. Ауданның рухани тірегіне айналған басылымның алғашқы саны 1985 жылдың 1 шілдесінде «Ленин жолы» атауымен жарық көрген болатын. Содан бері газет өңір шежіресін хаттап, халықпен бірге жасап келеді.



табыстады.

Шара барысында газет саласында ұзақ жылдар еңбек еткен ардагерлер мен қазіргі журналистер түрлі марапаттарға ие болды. ҚР Мәдениет және ақпарат министрлігінің «Ақпарат саласының үздігі» төсбелгісімен қатар, облыс және аудан әкімдіктерінің Құрмет грамоталары мен Алғыс хаттары табысталды. Сонымен қатар басылымның 40 жылдық тарихына арналған мерекелік медальдар беріліп, сала үздіктерінің еңбегі лайықты түрде бағаланды.

Осы күні «Рауан» газетінің тілшісі Үміт Қаздаева Қазақстан Журналистер одағының мүшелігіне

Мерекелік шараға «Маңғыстау-Медиа» ЖШС директорының орынбасары Лаура Тындырғанова, шаруашылық меңгерушісі Нұргүл Жаманқұлова, аудан әкімінің орынбасары Қанағат Назарханов, аппарат басшысы Амангелді Майлан, аудандық бөлім басшылары, газет ардагерлері мен ұжым мүшелері қатысты.

Жиынды аудан әкімінің орынбасары Қанағат Назарханов ашып, басылым ұжымын мерейлі мерекемен құттықтады. Ол өз сөзінде «Рауан» газетінің ауданның әлеуметтік, экономикалық, мәдени тыныс-тіршілігін көрсету арқылы халық пен билік арасындағы сенімді дәнекерге айналғанын атап өтіп, редакция ұжымына алғыс білдірді. Сондай-ақ газет редакторы Таңат Амалбаевқа мерекелік сыйлық



Қырық жылдық қалам шежіресі

қабылданып, арнайы куәлікке ие болды. Бұл – жас қалам иесіне артылған зор сенімнің белгісі.

Салтанатты шара аудан өнерпаздарының қатысуымен өткен мерекелік концертпен жалғасты. Кеш қонақтары көтеріңкі көңіл күймен тарқасты.

40 жыл – бір басылым үшін елеулі белес. Бұл – кәсіби ізденістің, үздіксіз дамудың, адал еңбектің нәтижесі. «Рауан» – тек ақпарат құралы ғана емес, ол – елдің үні, өңірдің рухани шежіресі. Осы жылдар ішінде басылым аудан өмірінің ажырамас бөлігіне айналып, мыңдаған оқырманның сеніміне ие болды. Мерейтой – осы қажырлы еңбектің халық тарапынан берілген бағасы.

Гүлнара ЖАЙЫҚОВА.

ДАМУ

Жастар – ел болашағы, ұлттың үні, мемлекеттің ертеңгі айнасы. Олардың белсенділігі мен патриоттық рухы ел дамуының басты қозғаушы күшіне айналуы тиіс. Осы ретте жастардың еңбекке деген сүйіспеншілігін арттырып, туған жеріне деген құрметін тереңдететін игі жобалардың бірі – «Жасыл ел» бағдарламасы.

Республика көлемінде 2005 жылдан бастау алған бұл жоба – еліміздегі ең ауқымды әрі нәтижелі жастар бағдарламаларының қатарында. Бағдарлама жас ұрпақтың тек еңбек дағдыларын ғана емес, сонымен қатар жауапкершілік пен ұжыммен жұмыс істеу қабілетін, экологиялық мәдениетін қалыптастыруды мақсат етеді.

Үйлестірушісі – аудандық жастар ресурстық орталығы. Бұл орталық жастарды іріктеп, оларды қажетті жұмыс құралдарымен қамтамасыз етіп, еңбек қауіпсіздігіне қатысты нұсқаулықтар береді. Сонымен қатар маусым бойы жастардың жұмысын бақылап, жүйелі есеп жүргізіп отырады.

Бағдарлама аясында жыл сайын ауданның жасыл желектерін күтіп-баптау, көше

ЖАСТАР – ТАБИҒАТ ТІРЕГІ



тазалығын ретке келтіру, қоғамдық орындарды көгалдандыру сынды жұмыстар атқарылады. Биылғы жылы да осы игі бастама жалғасын тауып, жоспар бойынша 500 жас жұмыспен қамтылады деп күтілуде. Қазіргі таңда алғашқы маусымның жастары еңбекке кірісіп кетті.

«Бүгінде жұмысқа қабылданған жастар ағаш отырғызып, суарып, қоғамдық

аумақтарды тазалап, қоршаған ортаны көркейтуге өз үлестерін қосып жатыр. Жастарға арнайы формалар мен қажетті құрал-жабдықтар берілді. Сонымен қатар олардың қауіпсіздігі үшін жауапты мамандар бекітіліп, техникалық қауіпсіздік ережелері бойынша нұсқамалар ұсынылды», – дейді жастар ресурстық орталығы директорының міндетін атқарушы Ерлан Ишмуратов.

Айта кетерлігі, биыл «Жасыл ел» жасақшыларының жалақысы өсіп, бұрынғы 60 мың теңгеден 85 мың теңгеге дейін көбейген. Бұл жаңалық жастардың жұмысқа деген ынтасын арттырып, еңбекке деген көзқарасын нығайтатыны анық.

«Жасыл ел» – жай ғана көгалдандыру бағдарламасы емес, ол – патриоттық тәрбие алаңы, жастардың тұлғалық қалыптасуына жол ашатын үлкен мектеп. Еліміздің әр өңіріндегі жалынды жастардың бірігуі – ел болашағына деген сенім мен жауапкершіліктің жарқын көрінісі.

Үміт ҚАЗДАЕВА.

2025 ЖЫЛҒЫ «ТӘУЕЛСІЗДІК ҰРПАҚТАРЫ» ГРАНТЫ БОЙЫНША ХАБАРЛАНДЫРУ

Қазақстан Республикасының Мәдениет және ақпарат министрлігі Мемлекет басшысы тағайындаған «Тәуелсіздік ұрпақтары» грантын беру бойынша конкурстың басталғанын жариялайды.

Грант берудің мақсаты - белсенді шығармашыл жастар қауымдастығын қалыптастыруға бағытталған жаңа идеялар мен бастамаларды мемлекеттік қолдау.

2025 жылы республикалық деңгейде 3 млн. теңгеден 30 грант берілетін болады.

Грантқа 14 жастан бастап 35 жасқа дейінгі (34 жасты қоса алғанда) Қазақстан Республикасының азаматы үміткер бола алады.

Грант мынадай 6 бағыт бойынша жобаларды іске асыру үшін конкурстың негізде беріледі:

– «Ғылым» – жаңа ғылыми жобаларды және зерттеулерді іске асыруға арналған;

– «Мәдениет» – Қазақстанның мәдени мұрасын танымал етуге, халықтық мәдени

дәстүрлер мен өнерді ілгерілетуге бағытталған жобаларды іске асыруға арналған;

– «Ақпараттық технологиялар» – жаңа IT шешімдер мен жобаларды, оның ішінде жаңадан басталған стартап жобаларды іске асыруға және әзірлеуге арналған;

– «Бизнес» – жаңа бизнес-идеяларды іске асыруға арналған;

– «Медиа» – жаңа медиа жобаларды, оның ішінде жастар үшін танымдық, пайдалы, қызықты контент құру жөніндегі жобаларды іске асыруға арналған;

– «Волонтерлік» – өзекті, әлеуметтік проблемаларды шешуге бағытталған волонтерлік жобаларды (бастамаларды) іске асыруға арналған.

Конкурстың өтінімдерді қабылдау 2025 жылғы 16 маусымнан бастап 18 тамыз аралығында (бұл ретте, а.ж. 18 тамыз, сағ.: 24:00-ге дейін) t.urpraktary25@gmail.com электронды поштасы арқылы жүзеге асырылады.

Анықтама телефондары: 8 (7172) 74-12-78, 8 706-618-07-23 (жұмыс күндері, сағ. 9:00-ден 18:30-ға дейін).

Конкурсқа қатысу үшін қажетті құжаттар тізімі (мемлекеттік және (немесе) орыс тілдерінде):

1) 1-қосымшаға сәйкес нысан бойынша конкурстың өтінім (PDF форматы);

2) 2-қосымшаға сәйкес нысан бойынша жобаның сипаттамасы (word форматы);

3) Жоба бойынша бейнематериал (60 секундтан аспайтын) немесе презентация (10 слайдтан аспайтын);

4) 3-қосымшаға сәйкес нысан бойынша шығындар сметасының жобасы (word форматы);

5) Зияткерлік меншік туралы мәліметтер (бар болса, PDF форматы);

6) Жеке куәлік немесе туу туралы куәліктің көшірмесі (PDF форматы).

мен бастамаларды іске асыру үшін конкурстың негізде мынадай бағыттар бойынша беріледі:

1) «Ғылым» – жаңа ғылыми жобаларды және зерттеулерді іске асыруға арналған;

2) «Мәдениет» – Қазақстанның мәдени мұрасын танымал етуге, халықтық мәдени дәстүрлер мен өнерді ілгерілетуге бағытталған жобаларды іске асыруға арналған;

3) «Ақпараттық технологиялар» – жаңа IT шешімдер мен жобаларды, оның ішінде жаңадан басталған стартап жобаларды іске асыруға және әзірлеуге арналған;

4) «Бизнес» – жаңа бизнес-идеяларды іске асыруға арналған;

5) «Медиа» – жаңа медиа жобаларды, оның ішінде жастар үшін танымдық, пайдалы, қызықты контент құру жөніндегі жобаларды іске асыруға арналған;

6) «Волонтерлік» – өзекті, әлеуметтік проблемаларды шешуге бағытталған волонтерлік жобаларды (бастамаларды) іске асыруға арналған.

Ескерту. 6-тармаққа өзгеріс енгізілді - ҚР Мәдениет және ақпарат министрінің 11.07.2024 № 302-НҚ (алғашқы ресми жарияланған күнінен кейін күн он күн өткен соң қолданысқа енгізіледі) бұйрығымен.

6-1. Грантты қайтадан беруге жол берілмейді. Конкурсқа үміткер бір бағыт бойынша 1 (бір) конкурстың өтінім береді.

Ескерту. Қағидалар 6-1-тармақпен толықтырылды - ҚР Мәдениет және ақпарат министрінің 11.07.2024 № 302-НҚ (алғашқы ресми жарияланған күнінен кейін күн он күн өткен соң қолданысқа енгізіледі) бұйрығымен.

2-тарау. Гранттың мақсаттары мен міндеттері

7. Грант берудің мақсаты белсенді шығармашыл жастар қауымдастығын қалыптастыруға бағытталған жастардың жаңа және қолданыстағы бастамаларын мемлекеттік қолдау болып табылады.

8. Грант беру міндеттері:

1) таланты және талапты жастарды қолдау;

2) елдің әлеуметтік-экономикалық дамуы үшін практикалық қызығушылық тудыратын жастардың инновациялық жобалары мен ғылыми-техникалық әзірлемелерін анықтау және қолдау;

3) жастардың жаңа және жұмыс істеп тұрған стартап-жобаларын іске асыруға жәрдем көрсету;

4) жастар арасында шығармашылық қызметті танымал ету.

3-тарау. Конкурс өткізу тәртібі

9. Конкурсты ұйымдастыруды және өткізуді уәкілетті орган жүзеге асырады.

10. Конкурсты өткізу туралы ақпараттық хабарламаны уәкілетті орган конкурстың өтінімдерді қабылдау мерзімі аяқталғанға дейін кемінде 2 (екі) ай бұрын бұқаралық ақпарат құралдарында, сондай-ақ интернет-ресурсында, әлеуметтік желілердегі ресми аккаунттарында жариялайды.

Конкурсты өткізу туралы ақпараттық хабарламада грантты беру мақсаттары мен бағыттары, конкурстың өткізу мерзімдері, негізгі шарттары туралы мәліметтер қамтылады.

11. Конкурс екі кезеңде өткізіледі:

1) бірінші кезең – уәкілетті органның конкурстың өтінімдерді қабылдауы және осы Қағидалардың 17-тармағына сәйкестігін қарауы;

2) екінші кезең – конкурстың өтінімдерді бағалау және конкурс жеңімпаздарын анықтау.

12. Конкурстың өтінімдерді бағалау үшін уәкілетті орган конкурстық комиссия құрады.

Конкурстық комиссияны төраға – уәкілетті органның басшысы басқарады.

Конкурстық комиссияның құрамына орталық атқарушы органдар мен азаматтық қоғамның өкілдері, ғалымдар және грант бағыттары бойынша мамандар мен сарапшылар енгізіледі, бағыттардың әрқайсысын уәкілетті органмен келісу бойынша конкурстық комиссия мүшелерінің арасынан басшы басқарады.

Конкурстық комиссия мүшелерінің жалпы саны тақ санды құрайды, 5 (бес) адамнан кем емес.

Конкурстық комиссия мүшесі, егер оның тікелей немесе жанама мүдделілігі (мүдделер қақтығысы) болса және қарсылық білдіруге (өздігінен бас тартуға) жататын болса, өтінімдерді қарауға қатыспайды.

Конкурстық комиссия мүшесі туындаған мүдделер қақтығысы немесе оның туындау мүмкіндігі туралы конкурстық комиссия төрағасын жазбаша нысанда хабардар етеді.

Өздігінен бас тарту және қарсылық білдіру уәделенеді және отырыс басталғанға дейін де, конкурстық комиссия отырысы барысында да мәлімделеді.

Конкурстық комиссия мүшесінің өздігінен бас тартуы (бас тартуы) туралы шешімді конкурстық комиссия жазбаша нысанда, отырыстарға қатысатын оның мүшелерінің көпшілік даусымен қабылдайды және конкурстық комиссия мүшесінің қатысуымен жария етіледі.

13. Конкурстық комиссияның қорытынды отырысы аудио- және (немесе) бейнетіркеуді пайдалана отырып, ашықтық және айқындық қағидаларында өткізіледі.

Ескерту. 13-тармақ жаңа редакцияда - ҚР Мәдениет және ақпарат

министрінің 11.07.2024 № 302-НҚ (алғашқы ресми жарияланған күнінен кейін күн он күн өткен соң қолданысқа енгізіледі) бұйрығымен.

14. Конкурстық комиссияның отырыстары, егер оған мүшелердің жалпы санының кемінде үштен екісі қатысса, заңды деп есептеледі.

15. Үміткер конкурсқа қатысу үшін осы Қағидаларға 1-қосымшаға сәйкес нысан бойынша конкурс өткізу туралы ақпараттық хабарламада көрсетілген электрондық мекен жайға және конкурсты өткізу туралы ақпараттық хабарламада көрсетілген мерзімдерде конкурстың өтінім береді.

16. Конкурсқа қатысуға конкурстың өтінімді дайындауға және ұсынуға байланысты барлық шығыстарды үміткер көтереді.

17. Конкурстың өтінімдер мемлекеттік және (немесе) орыс тілдерінде қабылданады және:

1) осы Қағидаларға 2-қосымшаға сәйкес нысан бойынша жобаның сипаттамасы;

2) жоба бойынша бейне (алпыс секундтан аспайды) немесе таныстырылым (он слайдтан аспайды);

3) осы Қағидаларға 3-қосымшаға сәйкес нысан бойынша шығындар сметасының жобасы;

4) зияткерлік меншік туралы мәліметтер (бар болса);

5) жеке куәлік немесе туу туралы куәліктің көшірмесі қамтылуға тиіс.

18. Конкурс өткізу туралы ақпараттық хабарламада көрсетілген конкурстың өтінімдерді беру мерзімі өткеннен кейін ұсынылған конкурстың өтінімдер қабылданбайды.

19. Уәкілетті орган конкурстың өтінімдерді қабылдайды және олардың осы Қағидалардың 17-тармағына сәйкестігін қарайды.

Уәкілетті орган құжаттар топтамасы толық ұсынылмаған кезде конкурстың өтінімді алған күннен бастап 5 (бес) жұмыс күнінен кешіктірілмейтін мерзімде үміткерге конкурстың өтінімді 1 (бір) реттен аспайтын мөлшерде осы Қағидалардың 17-тармағына сәйкес келтіру қажеттігі туралы хабарламаны үміткердің конкурстың өтінімінде көрсетілген электрондық мекен жайына жібереді.

Конкурстың өтінім хабарламаны алған күннен бастап 2 (екі) жұмыс күні ішінде осы Қағидалардың 17-тармағына сәйкес келтірілмеген кезде уәкілетті орган конкурстың өтінімді үміткерге қайтарады.

Конкурстың өтінімдерді уәкілетті орган конкурс өткізу туралы ақпараттық хабарламада көрсетілген конкурстың өтінімдерді қабылдау мерзімі аяқталғаннан кейін 1 (бір) айдан аспайтын мерзімде осы Қағидалардың 17-тармағына сәйкестігін қарайды.

Осы Қағидалардың 17-тармағына сәйкес келетін конкурстың өтінімдерді уәкілетті орган конкурс өткізудің мерзімі аяқталғаннан кейін 5 (бес) жұмыс күні ішінде конкурстық комиссияның қарауына жібереді.

Ескерту. 19-тармақ жаңа редакцияда - ҚР Мәдениет және ақпарат министрінің 11.07.2024 № 302-НҚ (алғашқы ресми жарияланған күнінен кейін күн он күн өткен соң қолданысқа енгізіледі) бұйрығымен.

20. Конкурстық комиссияның мүшелері уәкілетті орган осы Қағидалардың 17-тармағына сәйкес келетін конкурстың өтінімдерді ұсынған күннен бастап 15 (он бес) жұмыс күнінен аспайтын мерзімде осы Қағидаларға 4-қосымшаға сәйкес бағалау парағы бойынша конкурстың өтінімдерді бағалайды және грант алушыларды айқындайды.

Конкурстық комиссияның шешімімен конкурс қорытындылары туралы хаттама ресімделеді.

21. Жобаны бағалау үшін келесі критерийлер бойынша 1-ден 10-ға дейінгі балл есептеледі:

1) жобаның бағытқа сәйкестік дәрежесі;

2) мәселені (ағымдағы жағдайды) түсіну және нақты сипаттау, статистика және ресми дерекке сәйкес сілтемелер келтіріледі;

3) жобаның бәсекеге қабілеттілігі;

4) ұсынылатын жобаның жаңашылдығы (бірегейлігі);

5) бенефициарларды қамту және жобаны іске асыру ауқымы;

6) жобаны іске асырудың ұсынылған мерзімдері негізделген және аясын-да қол жетімді;

7) қаржыландыру аяқталғаннан кейін қызметті жалғастыру және (немесе) нәтижелерді ілгерілету мүмкіндігі нақты сипатталған;

8) сметада ұсынылған шығындар негізделген және шынайы;

9) жобаны іске асырудың ұсынылған мерзімдері негізделген және шынайы.

22. Алып тасталды - ҚР Мәдениет және ақпарат министрінің 11.07.2024 № 302-НҚ (алғашқы ресми жарияланған күнінен кейін күн он күн өткен соң қолданысқа енгізіледі) бұйрығымен.

23. Балдарды қою жобаның осы Қағидалардың 21-тармағында көрсетілген өлшемшарттарға сәйкестігін айқындау арқылы келесі тәсілмен жүргізіледі:

көрсеткіш тармақшаларының толығымен бірде-біріне сәйкес келмеу кезінде – 1 балл;

көрсеткіш тармақшаларының біреуіне сәйкес келеді – 2 балл;

көрсеткіштің екі тармақшасына сәйкес келеді – 3 балл;

көрсеткіштің үш тармақшасына сәйкес келеді – 4 балл;

көрсеткіштің төрт тармақшасына сәйкес келеді – 5 балл;

көрсеткіштің бес тармақшасына сәйкес келеді – 6 балл;

көрсеткіштің алты тармақшасына сәйкес келеді – 7 балл;

көрсеткіштің жеті тармақшасына сәйкес келеді – 8 балл;

көрсеткіштің сегіз тармақшасына сәйкес келеді – 9 балл;

көрсеткіштің барлық тармақшасына сәйкес келеді – 10 балл.

24. Уәкілетті орган конкурс қорытындылары туралы хаттамаға қол қойылғанға дейін 3 (үш) жұмыс күнінен кешіктірілмейтін мерзімде конкурс қорытындылары туралы хаттама жобасын уәкілетті органның интернет-ресурсында жариялайды.

Үміткер конкурс қорытындылары туралы хаттаманың жобасы уәкілетті органның интернет-ресурсында жарияланған күннен бастап 2 (екі) жұмыс күнінен кешіктірілмейтін мерзімде конкурс қорытындылары туралы хаттама жобасына қарсылық (бар болса) ұсынады.

Қарсылықтар келіп түскен жағдайда, олар қаралғаннан кейін 5 (бес) жұмыс күні ішінде конкурс қорытындылары туралы хаттамаға қатысып отырған конкурстық комиссияның мүшелері қол қояды.

25. Грант алушылардың тізімі конкурстық комиссияның конкурс қорытындылары туралы хаттамасы қол қойылған күнінен бастап 3 (үш) жұмыс күні ішінде уәкілетті органның интернет-ресурсында жарияланады.

26. Уәкілетті орган конкурс жеңімпаздары айқындалғаннан кейін 5 (бес) жұмыс күні ішінде грант алушыларды байланыс құралдары және (немесе) байланыстың өзге де тәсілдері арқылы конкурс қорытындылары туралы хабардар етеді.

4-тарау. Грантты беру, пайдалану және қайтару тәртібі

27. Екінші деңгейдегі банктердегі жеке шотты грант алушы грантты аудару үшін бөлек ашады

Ескерту. 27-тармақ жаңа редакцияда - ҚР Мәдениет және ақпарат министрінің 11.07.2024 № 302-НҚ (алғашқы ресми жарияланған күнінен кейін күн он күн өткен соң қолданысқа енгізіледі) бұйрығымен.

28. Уәкілетті орган конкурстық комиссияның конкурс қорытындылары туралы хаттамасының негізінде грант алушы банктік шоттың бар-жоғы және нөмірі туралы анықтаманы ұсынғаннан кейін грант алушымен шарт жасасады.

Көмелетке толмаған грант алушылар Қазақстан Республикасының Азаматтық кодексінде белгіленген тәртіппен шарт жасасады.



РУХАНИЯТ

ЖЫР МЕН ӨНЕРДІҢ АЛТЫН КӨПІРІ



Бейнеу ауданында Жаңаөзен қаласының мәдени күндері аясында тағылымы терең, рухани мазмұны мол шаралар өтті.

Ауылымызға арнайы келген мәдениет пен өнер саласының өкілдері бірнеше бағытта кездесу өткізіп, қос аймақтың арасындағы мәдени-рухани байланысты нығайтуға, өнер иелерінің арасындағы ынтымақты арттыруға ерекше үлес қосты.

Аудандық кітапханада өткен әдеби-мәдени кездесу – соның бір дәлелі. Бұл кеш – тек өлең оқылған кеш емес, халықтық салт-дәстүр мен руханияттың алтын жібін жалғаған, өнер мен әдебиетті ортақтастырған мазмұнды жиын болды.

Шараға Жаңаөзен қаласының мәдениет саласынан бірқатар зиялы қауым өкілдері келді.

Олардың қатарында Қоғамдық кеңестің төрағасы Исембай Қалдаманов, Ардагерлер кеңесінің төрағасы Жүзбай Күмісбаев, мемлекеттік қызмет ардагері Сахи Мыңбай, жергілікті ақын Орынгүл Смағұл, сондай-ақ жас қалагерлер мен қалалық мәдениет және тілдерді дамыту бөлімінің басшысы Гүлайым Азан бастаған сала қызметкерлері болды.

Кештің мәні мен маңызын аша түскен – ақындардың жүректен жазылған жырлары. Қатысушылардың арасында Орынгүл Смағұл, Тілеген Әли және Алтынбек Алибаев өздерінің сырлы да мағыналы өлеңдерін оқып, тыңдарман көңілін тербетті.

Орынгүл Смағұлдың Бейнеу-ге арнап жазған сиясы кеппеген өлеңі көпшіліктің ыстық ықыласына бөленді. Ақынның әрбір шумағында туған жерге деген сағыныш, елге деген сүйіспеншілік, рухани үндестік пен нәзік тебіреніс үндесіп

жатты. Поэзия кешінде «Маңғыстауды Алла шөл етті, жер бетіне су бермеген. Бірақ оның дариясын пенденің жүрегіне берген – ол жыр дариясы» деп кеш жүргізушісінің сөзі зал ішін ерекше әсерге бөлеп, рухты биіктетті. Жырмен басталып, жүрекке жеткен бұл кездесулер оқырмандар үшін ғана емес, өңір халқы үшін де есте қалар мәдени шара болды. Жаңаөзеннен келген ақын-жазушылар мен өнер иелерінің шығармашылығы Бейнеу жұртшылығына тың серпін сыйлады.

Мұндай рухани кездесулер – аймақтар арасындағы мәдени диалогты дамытып, ұрпаққа үлгі болатын игі дәстүрлердің жалғасуына жол ашады. Өнер мен әдебиеттің үнін біріктірген бұл күн – жыр мен өнердің алтын көпіріне айналды.

Жамила ХАЙРУЛЛИНА,
құжаттарды өңдеу және жинақтау бөлімінің меңгерушісі.

ХАБАРЛАНДЫРУ

«Meerbusch» ЖШС келесі жобалар бойынша қоғамдық тыңдаулар өткізетінін хабарлайды: 2025 жылға арналған «Нормативті рұқсат етілген шығарындылар» «НРШ» жобасын түзету; 2025 жылға арналған «Нормативті рұқсат етілген төгінділер» «НРТ» жобасы; 2025 жылға арналған «Қалдықтарды басқару бағдарламасын түзету», 2025 жылға арналған «Өндірістік экологиялық бақылау бағдарламасын түзету», «Табиғатты қорғау іс-шараларының жоспары».

Учаскенің географиялық координаттары және әсер ету аумағының географиялық координаттары: 46° 00' 29», 54° 14' 13».

Тыңдаулар 2025 жылғы 20 тамыз сағат 11:00-де өтеді.
Өткізу орны: Маңғыстау облысы, Бейнеу ауданы, с. Боранқұл, Мәдениет үйі.
ZOOM платформасы <https://us05web.zoom.us/j/2624185213?pwd=UUUrR0ZUQk04bG0zU25RR3g4M1VkZz09&omn=87665845491>
Конференция идентификаторы: 262 418 5213
Кіру коды: L5dtwg

Тұтынушы: «Meerbusch» ЖШС, Ақтау қаласы, 17-шағынаудан, 39-ғимарат, тел: 8(7292)202021. БСН 010840000624

Жобаны әзірлеуші: «Рекорд Консалт» ЖШС, Ақтөбе қ. Марсеева, 38. бөл.7, тел: 87014848005. БСН 100740003476

Құжаттама; <https://ndbecology.gov.kz> порталында және <https://www.gov.kz/memleket/entities/mangystau-eco/documents/> интернет-ресурста

Материалдарды сұратуға болатын электрондық пошта мекен жайы және телефон нөмірі: too_record_konsalt@mail.ru, 87014848005

Ескертулер мен ұсыныстар <https://ndbecology.gov.kz>, және электр. ЖАО мекен жайы s.bazarbay@mangystau.gov.kz сайтында қабылданады.

ОБЪЯВЛЕНИЕ

ТОО «Meerbusch» сообщает о проведении общественных слушаний по проектам: Корректировка проекта «Нормативов допустимых выбросов» НДВ на 2025 год; Проект «Нормативов допустимых сбросов» НДС на 2025 год; Корректировка «Программы управления отходами на 2025 г.», Корректировка «Производственного экологического контроля на 2025 г.», «План природоохранных мероприятий»

Географические координаты участка и географические координаты территории воздействия: 46° 00' 29", 54° 14' 13".

Слушания состоятся: 20 августа 2025 года в 11:00 часов.
Место проведения: Мангистауская область, Бейнеуский р-н, с. Боранқұл, Дом культуры.

Платформа ZOOM:
<https://us05web.zoom.us/j/2624185213?pwd=UUUrR0ZUQk04bG0zU25RR3g4M1VkZz09&omn=87665845491>

Идентификатор конференции: 262 418 5213
Код доступа: L5dtwg

Заказчик: ТОО «Meerbusch», г. Ақтау, 17 мкр., зд. 39, тел: 8(7292)202021. БИН 010840000624

Разработчик: ТОО «Рекорд Консалт», г. Ақтөбе, ул. Марсеева 38, каб.7, тел: 87002301988. БИН 100740003476

Документация размещена на портале <https://ndbecology.gov.kz>, и интернет-ресурсе <https://www.gov.kz/memleket/entities/mangystau-eco/documents/>

Адрес электронной почты по которой можно запросить материалы: too_record_konsalt@mail.ru, 87014848005.

Замечания и предложения принимаются на <https://ndbecology.gov.kz>, и электр. адрес МИО s.bazarbay@mangystau.gov.kz

№266

ДАМУ

Бейнеу ауданында балалардың бос уақытын тиімді ұйымдастырып, қабілетін жан-жақты дамыту мәселесі күн тәртібінен түспей отыр.

Кей өңірлерде спорттық және шығармашылық үйірмелер жұмыс істесе де, баланың логикасы мен ой-өрісін дамытатын арнайы үйірмелер сирек кездеседі. Бірақ соңғы жылдары бұл бағытта оң өзгерістер бар. Соның жарқын үлгісі – Бейнеу ауданындағы шахмат үйірмесінің тұрақты және нәтижелі жұмысы.

Шахмат – жәй ғана ойын емес, ақыл-ойдың шыңдалуына әсер ететін зияткерлік өнер. Ол адамның логикалық ойлау жүйесін дамытып, стратегиямен шешім қабылдауға тәрбиелейді. Атақты ойшылдар шахматты «ақыл-ойдың гимнастикасы» деп бекер атамаған. Қазіргі уақытта ақпарат ағыны толассыз, шапшаңдық пен тұтынушылық алға шыққан заманда балалардың жүйелі ойлау дағдыларын дамыту – маңызды мәселелердің бірі. Шахмат – сол оқылықтың орнын толтыратын, баланы тоқтамай ойлануға үйрететін таптырмас спорт түрі.

Шахмат үйірмесінің негізін қалаған – аудан тұрғыны, шахматшы өрі жаттықтырушы Бауыржан Избасаров. Ол 2013 жылдан бері шахматпен айналысып келеді. 2022 жылы өзі бастама көтеріп, аудан көлемінде алғашқы шахмат үйірмесін ашты. Ең басты ерекшелігі – балаларға тегін сабақ беруі. Осы уақыт ішінде үйірмеге 70-ке жуық бала қатысып, шахмат өнеріне бет бұрды.

Үйірмеге жылдық жоспарына сәйкес 4 пен 17 жас ара-

ШАХМАТ – ОЙЛЫ ҰРПАҚТЫҢ ТАҢДАУЫ



лығындағы оқушылар қатысады. Теория мен тәжірибені ұштастырып, оқытуды басты қағида еткен. Балалар әуелі шахмат тақтасымен танысып, негізгі жүрістерді, комбинациялар мен ойын құрылымдарын меңгереді. Кейін тәжірибелік деңгейде тактикалық және стратегиялық әдістерге көшеді. Жас ерекшеліктеріне қарай бөлінген топтарда сабақтар ойын, тапсырма, жарыс формасында өтеді. Бұл тәсіл балалардың қызығушылығын жоғалтпай, шахматқа деген сүйіспеншілігін арттыра түседі.

Шахмат үйірмесі тек жаттығумен шектелмейді. Мұнда тұрақты түрде турнирлер, марапаттау шаралары, ішкі

жарыстар ұйымдастырылады. Бұл шаралар оқушылардың өз-өзіне сенімділігін арттырып, бәсекеге қабілетті болуына, еңбек пен табысқа деген көзқарасын қалыптастыруға сеп болады.

Қазіргі таңда бұл үйірменің бірнеше оқушысы 1, 2 және 3-разряд иегері атанып үлгерген. Сонымен қатар, Қазақстан Республикасының чемпионатына жолдама алған шәкірттер де бар. Мұның барлығы – үйірме жұмысының жүйелілігі мен жаттықтырушының еңбегінің нақты көрінісі.

Бауыржан Избасаров алдағы уақытта Бейнеу ауданындағы шахмат үйірмесін кеңейтіп, өзге аудандарда да филиалдарын ашуды жоспарлап отыр. Оның басты мақсаты – шахматты жастар арасында кеңінен насихаттап, интеллектуалды дамуға қолжетімді орта құру.

Бүгінде бұл үйірме зияткерлік дамудың тірегі ретінде тек шахмат ойнауға ғана емес, баланың мінезін, сабырын, шешім қабылдау қабілетін дамытуға да зор ықпал етіп отыр. Себебі шахмат – ұшқырлықты, тәзімділікті, есептеуді, ұзақ мерзімді пайымдауды талап ететін ойлы спорт. Баланың ерте жастан ой еңбегіне бейімделуі – оның болашақ жетістіктерінің кепілі.

Бейнеу ауданындағы шахмат үйірмесі – білім мен спортты біріктіре отырып, болашаққа салынған көпір. Мұндай бастамалар тек спорттық нәтиже үшін емес, елдің зияткерлік капиталы мен сапалы ұрпағын қалыптастыру үшін де аса маңызды. Мемлекеттік деңгейде қолдау тапқан жағдайда, бұл секілді үйірмелер Қазақстанның әр өңірінде таралып, ақылды, саналы, пайымдай алатын буынның қалыптасуына жол ашады.

Шахмат – тек тақта үстіндегі тартыс емес. Ол – өмір мектебі. Бұл жолда жас жеткіншектерге бағыт-бағдар беріп жүрген жанашыр ұстаздардың еңбегі құрметке лайық.

Жанна ЗЕЙНУЛЛАЕВА,
Х. Досмұхамедов атындағы Атырау университеті
Журналистика және қоғаммен байланыс мамандығының 3-курс студенті.

Меншік иесі:

МАҢҒЫСТАУ
MEDIA

Директордың м.а.
Лаура ТЫНДЫРҒАНОВА

Қабылдау бөлімі,
тел./факс: 20-48-34,
mangystau.media@mail.ru

аудандық қоғамдық-саяси газет

Газет Қазақстан Республикасы Мәдениет және ақпарат министрлігінде "06".02.2013 жылы есепке қойылып, №13363-г кәсіптік берілген.

Редактор – Таңат АМАЛБАЕВ.
Тілшілер: Үміт ҚАЗДАЕВА,
Гүлнара ЖАЙЫҚОВА.

Газет «Маңғыстау - Медиа» ЖШС
Ақпарат және дизайн орталығында беттелді

Беттеуші дизайнерлер –
Шынар АЯЗБАЕВА,
Асем РАБАЕВА.

"Атырау-Ақпарат" ЖШС
баспаханасында басылды.
060005, Атырау қаласы,
Ж.Молдағалиев көшесі, 29А.
Тел: 8 7122 458-660, 586-392.
Тапсырыс: 0787

- Газет жарияланымдарындағы автор пікірі редакцияның түпкілікті көзқарасы болып есептелмейді.
- Жарияланған материалдарды сілтемесіз көшіріп басуға болмайды.
- Жарнама, хабарландырулар мазмұнына редакция жауап бермейді.
- Редакцияға жолданған материалдарға рецензия жасалмайды және қолжазба авторға қайтарылмайды.
- Тақырыптық суреттер ғаламтордан алынады

Таралымы: 2051. Индекс: 65690
газет бағасы келісімді

АҒА РАЙЫ БОЛЖАМЫ	
10 ШІЛДЕ	түнде: +23 күндіз: +37
11 ШІЛДЕ	түнде: +24 күндіз: +38
12 ШІЛДЕ	түнде: +28 күндіз: +39
13 ШІЛДЕ	түнде: +28 күндіз: +37
14 ШІЛДЕ	түнде: +25 күндіз: +35